



UKA2015/161

Tillie Martinussen

8. oktober 2015

**Uunga siunnersuut: Inissiani attartortittakkani ineqarnermut tapiissutit pillugit  
Inatsisartut inatsisaat nr. xx xx xx 2015-imeersoq**

(Ilaqutariinnermut, Naligiissitaanermut Isumaginninnermullu Naalakkersuisoq)

(Siullermeenera)

Inatsisissatut siunnersuut manna aqutigalugu illunik attartortitsisarnermi iluanaarniapiluttoqartarnera naleqqussaaffigerusunneqarpoq taamatullu ineqarnermut tapiissutip aalajangersarneqarneranut atatillugu naliliinermi isertitatigut tunngaviit nutarterneqartarnissaat anguniarlugu isertitatut tunngaviusut naatsorsorneqartarnissaat paasissutissanik nutaanerpaanik tunngaveqarluni.

Takusinnaavarpulli inoqutigiit isertitaasa allanggutaat sulii naatsorsoruminaatsut, taamaattumik nuannaarutigaarput, inuit normuinik nalunaarsuiffimmit il.il. paasissutissanik attuumassuteqartunik pissarsiniartarnissaq periarfissaqarmat eqqarsaatigalugu innuttaasut isertitamikkut tunngaviit pillugit kommunit nakkutilliisussaataanerat taamaasillunilu ineqarnermut tapip naatsorsuutiniq nutaanerpaanik tunngaveqartarnissaa.

Demokraatini isumaqarpugut aamma innuttaasunut sukumiisumik paasititsiniutigineqartariaqartut innuttaasut nalunaartussaataanerat isertitat allanggorsimatillugit aamma qarasaasiakkut namminerlu takkunnikkut ajornaatsumik nalunaartoqarsinnaasoq, pisortaqaqfinni ulapaarfiusuni innuttaasut eqqunngitsumik pineqaqqunagit.

Takorloorneqarsinnaavoq qarasaasiami immersugassat kommunit nittartagaaniitinneqarsinnaasut eqqortumik nassiussiffissalerlugit kiisalu aamma kommunip allaffiinii saqqumisumiitinneqarsinnaapput ilitersuutit atuaruminartut taamatullu immersugassat nalunaaruteqarnermi atugassat, immersorneqarsinnaasut allakkerivimmullu nakkartillugit, normumik nusutseqqaanngikkaluarluni imaluunniit assigisaanik. Taamaaliornikkut sullissineq oqilisaanneqarsinnaavoq innuttaasullu ikiorlugit ajornartorsiorsinnaajunnaarlugit malittarisassat



allannguutaannut tusarsimanginnerat pissutigalugu taamaattumillu aningaasanik periikkaminnik utertitsequsariaarullugit.

Tigussaasumik oqaatigaarput kissaatigigatsigu pisortanit pilersorneqarnermiit suliffeqalernermit ikaarsaariarnerup oqilisaaviginissaa.

Init najugarineqartut najugaqartunut naleqqiullugu ataaseq sinnerlugu amerlaneruppata ineqarnermut tapiissutit tunniunneqarsinnaannginnerannut aalajangersakkap qularnaassavaa illuutillit iluanaarniapiluttarnerisa taamaasillutillu qaffasissunik attartornermut akiliuteqartitsisarnerisa annikillissinneqarnissaat maannamut naleqqiullugu. Iliuserli kingunipiloqarsinnaavoq, tassa ineqarnikkut ajornartorsiorneq eqqornerusoq saqqummissammat, sualummik ilinniartut allallu illuutillit iniutaanni najugaqartut eqqarsaatigalugit. Taamaattumik Demokraatini isumaqarpugut pitsaasuusoq aalajangersakkamik ilanngussisoqarmat ersarissarlugu ini tassaasoq ineeraq inigisaq imaluunniit illup ilaa najugaqartup najugaqarfigisinnaasaa. Taamaasilluni attartornermut isumaqatigiissut ilusilerneqarsinnaanngussaaq ilinniartoq illuutilinni namminersortuni inissarsiortoq ineqarnermut tapiissutisinnaanera ingerlaannartussanngorlugu.

Tamatumani eqqarsaatigalugu nunami maani kollegianik amingaateqarnerput.

Inoqtigiit tamarmik isertitaasa annertussusaa ersarissumik taaneqanngimmat, taamaallaallu taaneqarmat uffarfimmik igaffimmillu atuisinnaasoqartoq, taava illoqarfinni ilinniarfiusuni sualummik illoqarfiit pingaarnersaanni init neqeroorutit annertuumik pitsanngoriartinneqarnissaat pisariaqarpoq.

Paasivarput aalajangersagaq aqqutigalugu "illuutillit iluanaarniapiluttartut" inissaaleqiffiusumi isertitat annertuut tunngavigalugit iluanaarniapilunnissaat pinngitsoortinniarneqartoq, parlattuanilli aamma qularnaartariaqarparput naapertuilluartunik periarfissaqartuarnissaa, ilinniartut artorsatsikkumanagit kollegianik ininillu nammineerluta pilersuisinnaanngornissatta tungaanut

Aamma misissorusupparput utoqqalinersialli innarluutillillu ineqarnermut tapiissutinik pisinnaanngornissaat aamma namminneq imminnut inissaqartissinnaasarnissaat



ukioqqortuunngoraluarlutik aamma uiusup/nuliaasup inooqataasulluunniit toqukkut  
peerutereernerata kingorna, taamaattumik taasatta taakku marluk immikkut atungaqarnerat  
oqallisigerusupparput.

Taamatut oqaaseqarluta siunnersuut Ilaqutariinnermut Peqqissutsimullu Ataatsimiititaliamut  
innersuupparput taamatullu Aningaasaqarnermut Akileraartarnermullu Ataatsimiititaliap  
tusarniaavigineqarnissaa.